

ԱՐԱ ԶՈՒՐԱԲՅԱՆԸ ՀԱՆԴԻՊԵԼ Է ԳՅՈՒՄՐՈՒ ՔԱՂԱՔԱՊԵՏԻՆ

14.07.2014 13:00



ՀՀ փաստաբանների պալատի նախագահ Արա Զոհրաբյանը 2014թ. հուլիսի 11-ին, հանդիպել է Գյումրու քաղաքապետ Սամվել Բալասանյանին: Քաղաքապետի հետ Փաստաբանների պալատի նախագահը քննարկել է Գյումրիում գրասենյակ չունեցող փաստաբաններին անհատույց գրասենյակային տարածք տրամադրելու հարցը, որի փոխարեն փաստաբանները ամսական առնվազն մեկ անգամ անվճար իրավաբանական

խորհրդատվություն կտրամադրեն քաղաքի և մարզի բնակիչներին: Ըստ Արա Զոհրաբյանի, Շիրակի մարզում գործում է 38 փաստաբան, որոնցից 36-ը միայն Գյումրի քաղաքում:

Գյումրի քաղաքում 6 փաստաբանների գրասենյակով ապահովված չեն և անհրաժեշտություն կա այդ փաստաբաններին գործունեություն ծավալելու հնարավորություն ստեղծել:

Քաղաքապետ Սամվել Բալասանյանը կարևորել է փաստաբանական ծառայության տրամադրման անհրաժեշտությունը և նշել, որ երկրաշարժ վերապրած գյումրեցու համար պետք է վերականգնել հավատը, որը ժամանակին կորել է:

Արա Զոհրաբյանն էլ իր հերթին նշել է, որ Պալատի միջոցներով կկահավորեն տրամադրվող տարածքը և հարմար պայմաններ կստեղծվեն թե՛ քաղաքացիների և թե՛ փաստաբանների համար:

Գյումրի կատարած այցի շրջանակներում Պալատի նախագահը հանդիպել է նաև մարզի փաստաբաններին, նրանց հետ քննարկել առկա խնդիրները: Արա Զոհրաբյանը անդրադարձել է գյումրեցի փաստաբան Սուսաննա Մխիթարյանի շուրջ բարձրացված աղմուկի մասին: Նրա խոսքով, փաստաբանների պալատը կանգնած է յուրաքանչյուր փաստաբանի կողքին և պաշտպանելու է նրա մասնագիտական գործունեության ընթացքում ոտնահարված իրավունքները:

Զուգահեռաբար հուլիսի 11-ին տեղի է ունեցել Շիրակի մարզի փաստաբանների համակարգողի ընտրություններ: Ընտրությունների արդյունքում Շիրակի մարզի համակարգող է ընտրվել փաստաբան Հայկ Հարությունի Հարությունյանը:





```
Վերադառնալ $(window).load(function(){ if(typeof $(".fb_comments_count").html() != "undefined" &&
parseInt($(".fb_comments_count").html()) != 0){ updateCommentsCount(window.location.href); } })
```